

AB. Heldu den urteko hauteskundeetarako alderdi abertzaleko hautagaien programarako oinarria izanen da

Proposamen politiko «progresista eta solidarioa» aurkeztu du ABk

Garapenerako berezko instituzioa eta Hegoaldearekin lankidetzaz ezinbestekotzat jo ditu

Hur Gorostiaga | BAIONA

Abertzaleen Batasunak azken urtean eztabaidatu eta landu duen proiektu politikoaren lehen nagusiak aurkeztu zituen atzo. 180 orriko txostenean, 200 proposamen bildu ditu, «proposamen politiko progresista eta solidarioa» Xole Mariluz, Jean Noel Etxeberri, Xabi Larralde, Jon Irazola eta Peio Etxeberri-Aintziartek adierazi zuten.

Proposamen politikoak, orain lau urte eraberritu zen Abertzaleen Batasunaren programa politikoa osatuko du. Orain artean ABk unean uneko plangintza politikoa aurkeztu ohi zuen: Euskararen ofizialtasuna, Euskal Departamendua, mugaz gaineko lankidetzaz eta euskal presoekin Euskal Herriratzeari ardatz nagusien inguruan. Proposamen politikoarekin «unean uneko politikan aritu gabe, etorkizunari buruzko proposamenak» egin dituzte Etxeberriren arabera. «Gauzak bere kasa eta merkatuaren legeen arabera egin ordez, aurreikuspenaz eta eragile sozialen arteko elkarlanaz aritu behar dugu». Larralde azaldu zuenez, oraindik hainbat ideia eztabaidatzen eta osatzen ari dira, eta heldu den urtarilaren 13an egingen



Proposamen politikoaren ardatz nagusiak aurkeztu zituzten atzo ABko kideek.

duten biltzar nagusian behin betiko txostena osatuko dute.

«Proposamen politikoak, heldu den martxoko hauteskundeetan gure hautagaiek izanen duten lan tresna baliosa izanen da» gaineratu zuen Larralde. Hain zuzen, hainbat ideia berri aurkeztu zituzten. Batetik, Garapen Kontseiluak landu gabeko bi arlotan proposamenak egiten dituzte; arrantza eta kirol

sailean. Bestetik, eta arlo sozialean bereziki, zenbait printzipio berritzaile edo proposamen egin dituzte. Adibidez, unibertsitate atalean, Europako zuzenbideari buruzko ikasketa berezituak egitea, elikagaiei buruzko saila proposatu zituzten.

«Gaur egun Ipar Euskal Herriak garapenerako sekulako ahalmenak ditu, baina indar horiek askatzeko beharrezkoa den tresna eskas dugu, berezko instituzio bat eskas dugu» azpimarratu zuen Etxeberri. Horrekin batera, Ipar Euskal Herriko Laborantza Ganbera, berezko unibertsitatea eta lanbide gan-

bera aldarrikatu zituzten. Euskararen koofizialtasuna ere lehentasun gisa jo zuen Irazolak.

Ildo beretik, garapen orekua izateko, Hego Euskal Herria oso kontuan izan behar dela adierazi zuten eta «Euskal Herri osorako Garapen Kontseilua sortzea» proposatu. «Lurralde antolaketa Euskal Herri osorako pentsatu behar dugu. Osasun arloan, ekonomian edo azpiegiturretan hango eta hemengo zerbitzuak bateragarriak izan daitezkeen eta ez elkarren kontrakoak edo elkar ezabatuko dutenak» esplikatzen zuten ABko kideek.

TXOSTENA

200 proposamen bildu ditu

Abertzaleen Batasuna azken urtean lantzen ari den proiektu politikoak 15 arlotan banaturiko 200 proposamen bildu ditu, egungo egoeraren azterketa egin ostean. Atzo zenbait ardatz azaldu zituzten.

LURRALDE ANTOLAKETA. Lurren kudeaketa egingen duen egitura baten sorrera, lur espekulazioa kontrolatzeko **ENPLEGUA.** Ipar Euskal Herriko enpleguaren behatoki bat sortzea, enpleguaren aldeko herri komiteetan oinarrituko dena.

INGURUMENA. Behatoki bat osatu. Ur eta saneamendu elkartzan fondo bat osatu.

ARRANTZA. 46. paralelotik hegoaldera moratorio bat ezarri. Arrantza iraunkorra, arrain erreserba eta itsasoa-erriko errespetuzkoa.

EUSKARA. Euskararen koofizialtasuna, lege batez bermatua, bizitzako arlo guztietan euskaraz aritzeko.

ARTISAUTZA ETA KOMERTZIOA. Ipar Euskal Herriko artisautza eta komertzio tipia elkarlanean ezarriko dituen federazioa sortzea. Kontratuak erosteko indarrak elkartuko dituen eta kalitatezko produktuak babestuko dituen.

OSASUNGINTZA. Mugaz gaineko lankidetzaz handitzea, antolaketa espezializazioaren arabera egiteko.

KIROLA. Kirol arloko eragile eta egitura guztiak batuko dituen erakundea sortzea, beharrei hobeki erantzuteko.

TREBIÑO. Mobilizazioa erreferendumaren alde



ADRIAN DIAZ DE TUESTA

Agintarien utzikeria salatu dute

Gaztela eta Leongo agintari politikoaren utzikeria salatu zuten atzo Gasteizko Andra Mari Zuziaren enparantzan Trebiñoren alde bildu ziren ehunka pertsonak. Izan ere, Trebiñoko afera ez atzera ez aurrera dago, batzorde teknikoak ez da bildu, ezta ere bitariko batzordea. Eta hala segitzen badute konponbidea atzeratuko dela salatu zuten eta hilero mobilizazioekin segituko dutela jakinarazi zuten.

Hernaniko Udala

Ur-sarean obrak egin behar direla eta, datorren larunbatean, abenduaren 16an, gaueko 10etatik hasi eta igandeko 17ko goizeko 8ak arte, kale eta auzo hauetan ur-mozketa egingo da:

- Florida auzoa
- Gartzia Goldaratz kalea
- Mañe i Flaquer plaza
- Sagastialde auzoa
- Sagastialdeberri auzoa
- Etxeberri auzoa
- Karmelo Labaka kalea
- Perkaiztegi kalea
- Antziola auzoa
- Sorgintxulo auzoa
- Latsunbeberri auzoa
- Marieluts auzoa
- Elkano kalea 16. eta 18. zbk.

Hernani, 2000ko abenduaren 14a.
Argi eta Ur zerbitziburua.

AYUNTAMIENTO DE LA ANTEIGLESIA DE LEIOA ELIZATEKO UDALA

CORTE DE TRAFICO LEIOA
FERIA AGRICOLA Y GANADERA
DOMINGO 17 DE DICIEMBRE DE 2000

Debido a la celebración de la "Feria Agrícola y Ganadera de Leioa", entre las 9 h. y las 15 h. del día 17 de diciembre, quedarán cortadas al tráfico rodado las vías de servicio de la carretera de la Avanzada, en los tramos comprendidos entre las calles Sabino Arana y Doctor Luis Bilbao Libano, en el sentido Getxo-Bilbao, y entre la carretera de acceso al Centro Cívico y la de acceso al Ayuntamiento, en el sentido Bilbao-Getxo. Los vehículos procedentes de Getxo que se dirijan a Bilbao deberán desviarse por la calle Sabino Arana, tomando cualquiera de las transversales que dan acceso a la calle Doctor Luis Bilbao Libano, para retomar la carretera de la Avanzada. Las paradas del autobús de Eusko Trenbideak sitas en la calle Sabino Arana, en el sentido Udondo-Bulevar, se trasladan a la calle Doctor Luis Bilbao Libano. En cualquier caso, la zona cortada al tráfico estará debidamente señalizada y se ruega a los conductores que transiten por las inmediaciones extremen su precaución ante la previsible afluencia de visitantes. Leioa, a 12 de Diciembre de 2000
EL ALCALDE

TRAFIKOAREN ETENALDIA LEIOAN
NEKAZARITZA ETA ABELTZAINZA AZOKA
2000.eko ABENDUAK 17, IGANDEA

"Leioako Nekazaritza eta Abeltzaintza Azoka" dela eta, abenduaren 17an, 9'00etatik 15'00ak arte, trafikoa etenik egongo da Avanzadako errepidearen tarte hauetan: Sabino Arana eta Luis Bilbao Libano doktorea kaleen artean, Getxo-Bilbo norabidean, eta Gizarte etxerako bidearen eta Udaletxeko bidearen artean, Bilbo-Getxo norabidean. Getxotik Bilbora datozen ibilgailuek errepidetik irteten eta Sabino Arana kaleetik joan beharko dute, gero Sabino Arana zeharkatzen duten kaleetarikoa batetik Luis Bilbao Libano doktorea kalera irteerako, eta handik berriro ere Avanzadako errepidera. Eusko Trenbideak enpresaren udondo-Bulebar autobusak, Sabino Arana kalean barik, Luis Bilbao Libano doktorea kalean geratuko dira. Dena dela, ibilgailuentzat itxita egongo den aldea behar bezala markatzeko sinaleak jarriko dira. Inguruetan kotxez ibiliko direnei kontu handiz ibiltzeko eskatzen diegu, seguru asko azokara jende asko etorriko da eta. Leioan, 2.000ko abenduaren 12an
ALKATEA